



**Claudii Fleurii Abbatis Historia Ecclesiastica**

Ab anno Christi 1479. usque ad annum 1494

**Fleury, Claude**

**August. Vind. [u.a.], 1768**

**VD18 90118340**

§. 117. Minæ Regis de convocanda Synodo adversus Papam.

---

[urn:nbn:de:hbz:466:1-66444](#)

Sæcul. XV. dam eorum famulos comprehendendi, ac in  
 A.C. 1494. arcem S. Angeli includi jussit, unacum  
 Prospero Columna, & Ascanio Sforzia  
Burchard.  
lib. 3. p. 246.  
 Cardinale, qui tum fidei sibi ab Alexandro  
 datæ confisi, Romæ morabantur:  
 hi tamen haud diu in captivitate detenti  
 erant; Pontifex enim sedato primo iræ  
 impetu, quo ad violandam datæ securi-  
 tatis fidem impellebatur, æquiora, ma-  
 gisque a proprio commodo aliena cepit  
 consilia, omnesque captivos paucis post  
 diebus pristinæ libertati restituit, deten-  
 tionis caussam allegans, quod nuncium  
 accepisset, hos nuper inclusos Romam  
 eo consilio petiisse, ut populum ad sedi-  
 tionem concitarent.

§. CXVII.  
*Minæ Regis de convocanda Synodo  
 adversus Papam.*

Nihilominus Carolus Rex tertiam exer-  
 citus sui partem Romanæ Urbi ad-  
 movit; cum vero Papa hoc Gallorum  
 molimine haud quaquam terreretur, Ca-  
 rolus Cardinalem S. Petri ad vincula,  
 Sfortiam, Columnam, & Sabellium, ad  
 Alexandrum decernit, dato negotio, ut  
 Pontifici significant, quod Carolus  
 utpote Regis Christianissimi prærogativa  
 suffultus, mox Synodus convoca-  
 turus esset, ut in ea discuteretur, qui-  
 bus

bus artibus Alexander Pontificatum ade- Sæcul. XV.  
ptus fuisset. Papa his minis territus, A.C. 1494.  
Regi concessit, ut Rōmam eadem pom-  
pa, qua nuper Florentiam, ingrederetur,  
ut vero Papa simul suæ dignitati confu-  
leret, invitus licet Calabriæ Ducem ex  
urbe dimisit, ne quidem copias, quæ  
abeuntem comitarentur, adjungere au-  
sus. Rebus ita compositis, Carolus Gi-  
ensem Marescallum, Belloquadrensem  
Præfectum, & supremum Parisiensis Se-  
natus Præsidem ad Papam designabat,  
eo fine, ut illi minarum, quas Rex nu-  
per fecisset, metum tollerent, atque Ale-  
jandro significanter, quod Rex quidem  
justissimam querendi cauſsam haberet,  
eoquod Papa datam fidem violasset, eum-  
que, ne ultra Alpes progrederetur, ar-  
mis suaque auctoritate præpediiffet,  
quamvis ipse omnium primus ad Neapo-  
lis expugnationem Regi auctor fuisset,  
nihilominus regia sua Majestas libenti  
animo vindictam Deo relinquere, ac nul-  
latenus sese negotiis Ecclesiasticis inge-  
re meditatur, nec aliud magis optat,  
quam Romanam Urbem conspicere, ad  
quam quidem armorum vi aditum sibi  
parare potuisset, satius tamen ducit,  
eandem annuente supremo Ecclesiæ ca-  
pite ingredi, cum nequaquam pietate in-  
ferior esset Regibus suis majoribus, nec  
remissius quam illi obsequiis Vicario Chri-  
fti

Sæcul. XV. sti debitum Alexandrum complectetur.  
A.C. 1494. Hac Regis submissione Papa paulisper  
metu liberabatur.

## §. CXVIII.

*Rex Viterbio Nepitam profectus.*

*La Vigne  
loc. cit.*

Ergo Carolus quiete iter suum prosequebatur, ac Viterbiū delatus, arceum præsidario milite firmabat; inde post aliquot dierum moram Nepitam profectus, copiis suis quatriduanam ab itinere quietem indulgebat, nimirum a decima quinta Decembris die usque ad decimam nonam ejusdem mensis, quorum dies primus in feriam secundam, alter vero in sextam incidebat. Post hæc vero Arcennum Brygianum, præcipuum Ursinorum familiæ oppidum delatus, emissis Legionibus castrum - novum, civitatem - veterem, aliasque Romanæ ditionis urbes occupat: alias vero copias duotoribus Ligniacensi Comite, & Ivo ne de Alegrio destinabat, ut Cardinalem S. Petri ad vincula Ostiam reducerent, ac demum fese Columnensibus trans Tiberim jungerent. Nova hæc Caroli molimina Papam anxiis curis obruebant; insuper pristinum timorem improvisus revocabat eventus; sponte enim quædam Romanæ urbis murorum pars, necnon munitiones arcis S. Angeli corruerunt,

per